



TOSHKENT DAVLAT YURIDIK UNIVERSITETI REKTORINING B U Y R U G ' I

29.03.2024

208-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarini buzish holatlari kuzatilmoqda.

Jumladan, fuqarolar A.Bazarov, O.Nematov va **Xalqaro huquq va qiyosiy huquqshunoslik fakulteti 4-kurs talabasi Kosimova Sitara Erkin qizi** bilan 2023-yil 2-iyun kuni soat 03:00 larda Yashnobod tumani Qorasuv ko'chasi 27-uy 60-xonadonda tug'ilgan kunni o'tkazish uchun yig'ilishgan.

Shundan so'ng, fuqarolar A.Bazarov, O.Nematov va **Xalqaro huquq va qiyosiy huquqshunoslik fakulteti 4-kurs talabasi Kosimova Sitara Erkin qizi** o'zganing mulkini bosqinchilik yo'li bilan qo'lga kiritish maqsadida oldindan jinoiy til biriktirib, bir guruh bo'lib, fuqarolar I.Qodirov, O.Primqulov va D.Otaxonovlarni birga tug'ilgan kunni nishonlash uchun deb, aldov yo'li bilan chaqirtirishgan.

Shundan so'ng, fuqaro A.Bazarov oshxona pichog'ini fuqaro D.Otaxonovni bo'yin qismiga tirab, fuqaro O.Nematov esa uyali telefon quvvatlagichi kabelini fuqaro O.Primqulovning bo'yin sohasiga tashlab, uni yordamida bo'g'ib, tanasining turli sohalariga qo'l va oyoqlari bilan ayovsiz urib-do'pposlab, ularga nisbatan hayot va sog'liq uchun xavfli bo'lgan zo'rlik ishlatishib, bu bilan sog'lig'ining buzilishiga sabab bo'lgan tan jarohatini yetkazish xavfini tug'diruvchi harakatlarni sodir qilishib, egnidagi kiyimlarini yechishga majburlab, so'ng **talaba S.Kosimova** ularning kiyimi cho'ntaklarini titkilab, fuqaro D.Otaxonovga tegishli uyali telefoni, kumush uzugi, 500 AQSh dollari va 400.000 so'm naqd pullarni, shuningdek fuqaro O.Primqulovga tegishli ikki dona kumush uzuklarni, kumush zanjirini, 300 AQSh dollari hamda uyali telefonini bosqinchilik yo'li bilan talon-toroj qilishib, ularni xonadonidan chiqarib yuborishgan.

Aniqlanishicha, 2023-yilning 23-oktyabrda Toshkent shahar jinoyat ishlari

bo'yicha Yashnobod tuman sudining hukmi bilan talaba S.Kosimovaga nisbatan O'zbekiston Respublikasi Jinoyat kodeksi 164-moddasi 2-qismining "a,b" bandlarida nazarda tutilgan jinoyatni sodir qilganlikda aybli deb topilgan va unga mazkur modda bilan Jinoyat kodeksi 57-moddasini qo'llagan holda 4 (to'rt) yil ozodlikdan mahrum qilish jazosi tayinlangan.

O'zbekiston Respublikasi Jinoyat kodeksi 62-moddasiga asosan **talaba S.Kosimov**aning ushlab turilgan har bir kunini ozodlikdan mahrum qilish jazosining bir kuniga tenglashtirib hisoblab, uzil-kesil o'tash uchun 3 (uch) yil 11 (o'n bir) oy 28 (yigirma sakkiz) kun ozodlikdan mahrum qilish jazosi qoldirilgan hamda **talaba S.Kosimov**ga nisbatan O'zbekiston Respublikasi Jinoyat kodeksi 72-moddasini qo'llab, tayinlangan ozodlikdan mahrum qilish jazosini shartli hisoblab, 1 (bir) yil sinov muddati belgilangan.

Talaba S.Kosimova tomonidan 2024-yil 24-martda yozilgan tushuntirish xatida yuqoridagi holatlar tasdiqlangan hamda holat yuzasidan kechirim so'ralgan.

Talaba mazkur harakatlari bilan universitet Odob-axloq kodeksi 17-moddasining ikkinchi xatboshisi (talaba har qanday huquqbuzarlik yoki jinoyat sodir etishi qat'iy taqiqlanishi), 26-moddasining tegishli xatboshilari (talaba Universitet obro'-e'tibori va nufuziga dog' tushiradigan har qanday harakatlarni sodir etishdan o'zini tiyishga; Universitet ishchanlik obro'si yoki nufuziga putur yetkazadigan nizoli vaziyatlarga yo'l qo'ymaslikka) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 17-moddasining ikkinchi xatboshisi, 26-moddasining tegishli xatboshilari hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1.Toshkent davlat yuridik universiteti Odob-axloq kodeksining 17-moddasining ikkinchi xatboshisi va 26-moddasining tegishli xatboshilari talablarini buzganligi uchun Xalqaro huquq va qiyosiy huquqshunoslik fakulteti 4-kurs talabasi Kosimova Sitara Erkin qiziga hayfsan e'lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov):

bir hafta muddatda mazkur buyruq mazmun-mohiyatini talabaning shaxsini sir saqlagan holda talabalar e'tiboriga **shaxsan o'zlari** auditoriyalarga kirgan holda yetkazilishi va keng muhokama qilinishini hamda talabalarga belgilangan tartib qoidalarga qat'iy rioya qilishini, nufuzli oliy ta'lim muassasasida tahsil olishini, universitet nomiga dog' tushurmaslik masalalarini talabalarga atroflicha tushuntirish choralari ko'rsin;

fakultet dekanlari tomonidan talabalar bilan o'tkazilgan suhbat natijalari yuzasidan yig'ilish bayonlarini Ma'naviyat va ma'rifat markaziga taqdim etish choralari ko'rsin.

3.Xalqaro huquq va qiyosiy huquqshunoslik fakulteti dekani

(D.Umarxanova):

mazkur talabaning shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin;

talabaning harakatlari, yurish turishlari yuzasidan uning ota-onasini xabardor qilsin hamda talabaning harakatlarini, xulqini doimiy nazoratda saqlasin.

4.Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

